

元豐類藁

二

元豐類藁卷第一

古詩

冬望

霜餘荆吳倚天山鐵色萬仞光鋸開麻姑最秀挿東
 極一峰挺立高崑崙我生智出豪俊下遠迹久此安
 蒿萊譬如驂騑踏天路六轡豈議收駑駘巔崖初冬
 未冰雪蘚花入履思莫裁長松夾樹蓋十里蒼顏毅
 氣不可迴浮雲柳絮誰汝礙欲往自尼誠愚哉南窻
 聖賢有遺文滿簡字字傾琪瑰旁搜遠探得戶牖入
 見輿作一作何雄魁日令我意失枯槁水之灌養源
 原來千年大說沒荒冗義路寸土誰能培嗟予計真
 不自料欲挽白日之西頰嘗聞古者禹稱智過門不
 暇慈其孩况今庭人冒壯任力蹶豈更餘纖埃龍潭
 瀑布入胷臆嘆息但謝宗與雷著書豈即遽有補天
 下自古無能才

一鷄

北風萬里開蓬蒿山木洶洶鳴波濤嘗聞一鷄今始
 見眼駿骨緊精神豪天昏雪密飛轉疾暮略東海朝
 臨洮社中神狐倏閃內腦尾分磔垂弓橐巧兔獐雞
 失草木勇鷲一下崩其毛窟穴啣啣哭九子帳前活



冬望



送雙青猿啁啾燕雀誰爾數駭散亦自亡其曹勢疑
空山竭九澤殺氣已應太白高歸來礪鬼載俎豆快
飲百甕行春醪酒酣始聞壯士嘆丈夫試用何時遭

宿尊勝院

朝寒陟山硯宵雨集僧堂蔽一作衣蓋苦短客卧夢

不長鳴風木間起枯槁欲僵向來雪雲端葉下百

仞隍一本作向來雲端起攀蒼崖望正受萬慮戕歲

運忽當爾我顏安得芳傳聞羨門仙飛身憇蒼蒼誰
能乞其靈相與超八方一作

苦雨

霧圍南山鬱冥冥狹谷荒風驅水聲抵疑日失黃道

去又見雨含滄海生如催病骨夜寒入似送客心衰
思驚揚州青銅不在照應有白鬚添數莖

里社

郊天社地君所重剪枯剗匏微得供秦皇漢帝陋古

初桀時殊壇傾力奉年年屬車九重出羽衛千人萬
人從黃金日搜盡崖窟飛檣走筆華夷動馬蹄一作

路南村有社里老邀神迎且送荒林破屋風雨入野
鼠山狐狼籍共何言茅箸古甕甌稻飯豚蹄人得用

南源莊

床上不廢看青山門前便踏南澗路繞墻頓失車馬
喧岸憤日得滄洲趣常嗟秋蓬轉未有茅屋據對此
耳目新始覺精爽聚滄溟未可泛舟入鴈蕩誰能脫
足去醫問在夷蠻羅浮苦煙霧子真自愛谷口家孔
丘老亦洙泗住吾能放意遊八極此興久與前賢附
悄然恠我思慮深已欲摧倒闔猿樹眼前了了破青
坂屈椽小棟隨時具野柔川深春事來筍鞵暝憂青
雲步秫田試犢耕早風茗圃分籃摘宵露竹林掃月
散絺葛雪艇搜溪出魴鱖帽塵便可臨水濯里闔何
妨閉門拒介推母厭俗父思巔崖住不顧梁鴻妻亦
高能快穿衣與藜茹成家儻已嫁諸妹有立不憂吾
弟孺攘攘天地間萬類殊好惡權合無一非睽窮有
百悟吾獨安能逐毛髮飲泉食力從所慕

論交

德操龐公林下時入門豈復知客主夷吾鮑叔貧賤
間分財亦不辭多取相傾頓使形迹空素定已各肝
膽許世間未信亦論交得失秋毫有乖忤

南軒

木端青崖軒慘澹寒日莫鳴鳩已安巢飛鵲尚求樹
物情限與奪茲理奚以據詎知巧者勞豈得違所賦

久無曾中憂頗識書上趣聖賢雖山丘相望心或庶
兵間

大義缺絕久未圖小人輕險何不至世上固自有百
為兵間乃獨求一試趙括敢將亦已危李平請守那
復議吁嗟忍易萬人生冀幸將徼一身利

種園

於陵為人灌園蔬我今園地不自種惰慵苟恃鄉井
助緩急孰與朋友共支離有疾上雖恕陳平不事家
焉用著書儻得一言利長者或許疇內訟

歎嗟

夜歎不為絺綌單晝嗟不為薇蕨少天弓不肯射胡
星攙搶久已躔朱鳥徐揚復憂羽蟲孽襄漢正病昭
回杳力能懷畏未足憂憂在北極羣陰繞

寄孫之翰

孫侯腹載天下書崔嵬豈啻重百車伏羲以來可悉
數孰若自作何有餘更能議論恣傾倒萬里一瀉崑
崙渠誰為曾中幹太極元氣浩浩隨卷舒昔來諫官
對天子何穢不欲親芟鋤不容乃獨見磊落出走並
海飄長裾孫侯風節何所似雪洗八荒看太虛親如
國忠眼不顧舊若張禹手所除歸來已絕褻貶筆進

用祗調教倉儲合持詩書白虎論更護日月金華居
萬世根深固社稷百年舊叟休田廬素識孤生愛茅
屋父將老母求山租秋歸願事九江獲夜出未倦安
豐漁孔明苟欲性命遂孟子豈病王公踈塵埃未得
見此樂太息一付西江魚

豪傑

老哺蔽蔽西山翁樂傾瓢水陋巷士不顧無復問周
公可歸乃獨知孔子自期動即重丘山所去何啻輕
糠粃取合悠悠富貴兒豈知豪傑心之耻

侯荆

侯嬴夷門白髮翁荆軻易水竒節士偶邀禮數車上
足暫飽羶腥館中侈師迴拔劍不顧生酒酣拂衣亦
送死磊落高賢勿笑今豢養傾人父如此

黃金

陳侯坐收百戰楚呂氏行取萬乘秦田生立顧開兩
國陸公微辭交二臣道旁白日忽再出橐中黃金如
有神何須首陽二夫子不是九鼎輸西一作鄰

揚顏

揚雄纂言準仲尼顏氏爲身慕虞舜千里常憂及門
止爲山更欲一簣進小人君子在所蹈烈士貪夫不

同徇安得蠢蠢尚自怨百年過眼猶一瞬

橙子

家林香橙有兩樹根纏鐵鈕凌坡陀鮮明百數見秋
實錯綴衆葉傾霜柯翠羽流蘇出天仗黃金戲毬相
蕩摩入包豈數橘抽賤毛鼎始足鹽梅和江湖苦遭
俗眼慢禁籞尚覺凡木多誰能出口獻天子一致大
樹凌滄波

山檻小飲

變秋長雲豪灑兩北風壯餘燭尚爭威積晦頗異狀
山回攢楓顛屋立懸狃上飲檻聚石爲歌筵注溪當

二五

類案一

六

友

懽言久喧譁罷興一怱悵旅人正飄飄豈得諧放蕩

胡使

南粟鱗鱗多送北北兵林林長備胡胡使一來大梁
下塞頭彎弓士如無折衝素恃將與相大策合副艱
難須還來里閭索窮下斗食尺衣皆比輸中原相觀
歎失色胡騎日肥妖氣麤九州四海盡帝有何不用
胡蕃北隅

上翁嶺

放車秋崖望所得過舊聞初疑古軸畫山水秋毫分
時見崖下雨多從衣上雲濯足行尚側心憂踏天文

八荒正搖落獨餘草木薰但覺耳目勝未知筋力勤
顛毛已種種世患方紛紛何當嘯吟此日與樵蘇羣

雜詩四首

張陳貧時交干戈忽相逐范蔡憎嫌人卒自歸鼎軸
害奪怨爲欣利歐愛成戮世間不可料人事常反覆
日磧斷內討坐享七世榮霍光徇所愛兩亡家與名
卓闊俱抗志纖微獨紆情得失萬世視長令壯夫驚
皇皇謁荆人佶佶遵陽虎及覺一禮亡翩然遂違魯
全身有遜接直道無苟處故稱聖如龍屈伸茲可覩
揮袂謝幽側騰身集崔嵬心胎太極氣手揚斗間魁

三五五

類書宗一

七

反

荒荆忽成桂蟄鱗冬有雷君看九州寶自入朱門來
欲求天下友

欲求天下友試爲滄海行風來冥冥內擺觸恠浪生
突兀萬里怒勢疑九州傾鯨鵬不自保况此一舟輕
我徒幸來即可留石根耕口將書上客共湏天地清

冬莫感懷

荒山未有雪野水不見冰一臘今已半浮陽壯猶矜
奈此一歲除未有嚴氣升坐思空峒間負雪山千層
雖受凜冽僵愈此穢濁蒸感激崑崙祗一氣吹丘陵
炎埃滅無遺古色萬里興我病一洗濯懷抱失所憎

因思大羽獵屬車上峻嶒六軍騎皆駿爭先雪中登
天時傾人意踴躍士氣增大義雖不殺四方懾兵稜
今此效安在東南塞猶乘將帥色凋搞虵蜉勢趨騰
慘錯天運內止戈信誰能

寄舍弟

新霖洗窮臘東南始知寒驚我千里意覺汝征途難
空江挂風席扁舟與誰安羈旅費亦久橐衣豈無單
念汝西北去壯心始栢栢竟逢有司惑斥走懷琅玕
士固有大意秋臺豈能干所憂道里困久無一罇懽
我意生惻惻爲之却朝餐人生飄零內何處懷抱寬
已期采芝樂握手青霞端無令及門喜淹留雪霜殘

至荷湖二首

鐵色對我馬林林路一作露南山草根已變綠冰雪尚
滿顏解鑣蒼煙脚我栖就柴關乖時遭飄躡豈免生
事難夙意待周孔此士豈可還濁醪且斟酌收心一

瓶間

悲風我眼澁酸犹我耳愁我顛水沒馬我起雪滿裘
百里不逢人豈有煙火投却倚青壁望白霧滿九州
蒼蒼運乃爾何地寬我憂夜卧夢成魘猶疑拔山湫

拔一作沃

送徐竑一作竑著作知康州

溪蠻昔負命殺氣陵南州城郭漲煙火堂皇嘯蜉蝣
被髮盡冠巾吾人反縲囚行剽至抄忽歸載越山丘
驅攘事雖定收合信瘡疣不有異澤霈何令餘患瘳
寒風在林鳴君馬不能留初佩太守章慨然任人憂
問俗灰燼餘咄喑令心謀士材爲世用因難乃知尤
煩苛一蕩滌幽遠徧懷柔四封鳴雞犬五穀被原疇
里閭多娛宴歌鼓震滇陬明義每所希古人不難侔
日月有常運志士無安輶山川自茲始努力千里遊

詠雪

北風蕭蕭鳴且歇短日悠悠生復滅朝含滄海滿天
雲暮斷行人千里雪初通壑谷氣先冷漸蔽郊原路
疑絕并包華夷德豈薄改造乾坤事尤譎驅除已與
塵滓隔濯漑終令枯槁悅相持始信竹栢勁易敗可
嗟荏葦折垂條巧綴如自愛簪井隨形呀且缺飛檐
轆轤駕長浪巨壁林林倚精鐵弊衣或有胔猶凍荒
宴誰能耳偏熱壯夫撫劔生銳氣志士扃門養高節
已開襟曾絕煩憤更足溝塍慰空竭雖無酒醴發嘲
笑亦有詩謠恣搜抉新陽髮髯送鏡鑿舊徑參差分
曲折留當夜齒印崖石徙倚長松看寒沈

寫懷二首

羣生各有趣營慮自纏結名網智已羅利械愚所絀
古今遞主客真實兩興滅洗然大人意杳與能者別
不必條蔓榮中自老根節曾非故饒培獨得較霜雪
蛟龍無安舟虎兕有危轍將能此人追得匪合明哲
荒城絕所之歲莫浩多思病眼對山湖孤吟寄天地
用心長者間已與兒女異况排千年非獨抱六經意
終非常情度豈補當世治幽懷但自信盛事皆空議
氣昏繁霜多節老寒日駛局促去友朋咄喑牽夢寐
將論道精粗豈必在文字

茅亭閒坐

荆門常晝掩不必雲山深豈敢尚孤絕自能收寸心
草萌被遠徑鳥語變喬林散帙味新趣鳴絃歎餘音
脫粟幸可飽一瓢方獨斟顏徒緬雖卓非此誰爲尋
盛服纏紫艾重印鑄黃金信使憂惴息詎無勤苦侵
埃塵緇冠蓋霜露泫衣衿脅有已自昔俛首微獨今
豈惟智所拙曾是力難任爲樂聊在此焉知玉山岑

靖安縣幽谷亭

橫江捨輕楫對面見青山行盡車馬塵豁見水石寰
地氣芳以潔崖聲落潺潺誰爲千家縣正在清華間

風煙凜人心世慮自可刪况無訟許囂得有觴詠閒
常疑此中吏白首豈思還人情貴公卿燁燁就玉班
光華雖一時憂悸或滿顏雞鳴已爭馳驂駟振鑣環
豈如此中吏日高未開關一不謹所守名聲別妖姦
豈如此中吏一官老無瘵悒悒謀謨消汨汨氣象孱
豈如此中吏明心懾強頑况云此中居一亭衆峯環
崖聲夢猶聞谷秀坐可攀倚天巉巖姿青蒼露端爛
對之精神恬一作恬可謝世網艱人生慕虛榮斂收意
常慳誠思此憂愉自應喜榛菅

青雲亭閒望

一登此亭高曼脫藩廡擁開顏廣軒闢吹面驚飈動
城回石崖抱山亂寒潮湧谷草晚更芳沙泉細猶洶
嶙嶙四封壯縹渺佳氣捧連天廣衢走拂日長簷聳
區區射聲利浩浩奔蹄踵趨營衆所便冒涉吾久恐
緬想山水宅環觀松檜拱屬耳天籟樂脫身人事冗
幽閒味雖薄放蕩愚所勇窮凶勢猶競殺伐聲更詢
揚揚歛臣貴燁燁兵官寵諒知草茅微無補社稷重
牧放手幽鞭耕鋤躬瘦隴尚或此心諧豈云吾道壅

元豐類藁卷第二

古詩

寄子進第

一本作牟第
牟子進名也

憶子去家日南風始吹衣今來日未幾蠅蚊已羣飛
思子兼晝夜何啻如渴饑喜聞遠客至手自捭荆扉
客送書一紙翰墨子所揮上言山居惡夢寐接庭闈
次言服畎畝禾黍無以肥其餘業文字頗測幽與微
幽一作深題詩在紙尾語老意不非我喜何所似大似客
得歸我與子事親未飽藿與薇常苦去左右辛勤治
鞍韉子行何時反我眼日已晞應須畢秋刈相見慰
依依

三十五

二

友

喜寒

純

一作
純

陽四時行無復氣節勁日火相吐吞乾離力

還併玄冥失所安恇怯擅操柄我行東南野憤憤若

酣

干命切
酒曰酣
也

喜逢青林長葉蔓可韜映正嗟天

之高玉色萬里淨忽驚西山雲毫末生一鏡須臾油

然合點滴飛雨迸颼颼漸相扶霧霈一何盛積陰類

潛師形勢久已偵乘時出幽墟奮發精爽競亘天逐

炎官顛面修火令威加乾坤從冽冽氣貌正人無焦

頰憂冰釋天下病豈須雪包林已壓朱鳥橫南方天

精兵瘴濕菑可屏爭難奪刀及發巧搜漸穽收功當
在今殺伐順天政况云麩麥祥已覺閭里慶高歌叩
吾轅上頌天子聖

詠史二首

京室天下歸飛薨無餘地國士憂社稷塗人養聲利
貴賤競一時莪冠各鱗次子龍獨幽遠聘召漠無意
子雲無由歸俛首天祿閣君平獨西南抗顏觀寥廓
無猜到沉冥有故驚寂寞用心豈必殊拘肆事終各

江湖

江湖俗畏遠幽好自相宜淪迹異驚衆辭囂如避時

三五

類卷二

二

五

優游可以學薇蕨易爲私胡然弃田權霜雪有驅馳
將之浙江延祖子山師柔會別飲散獨宿空

亭遂書懷別

蜀客向何處欲觀浙江潮擬舟吳門柵况會故人招
置酒吳亭上無人吹紫簫浩觀萬物變颺爾生涼飈
遂恐時節晚芳蘭從此凋功名竟安在富貴空寥寥
鴻鵠舉千里鸞鳳翔九霄胡爲蓬蒿下日夜悲鷓鴣
車馬夕已還行人亦飄飄浩然滄海志寂寞守空宵

詠雪

巖巖層冰塞川澤洶洶北風鳴木石黃雲半夜滿千

里大雪平明深一尺兩儀混合去
纖間萬類韜藏絕
塵迹蛟龍岌起抱巒岡江海橫奔
控阡陌野林縹緲
苦難狀庭樹鮮妍疑可摘開門更
覺山市靜散帙偏
宜紙窗白精光蕩射徧巖谷氣象
崢嶸見松栢少年
登望就臺觀壯士衡凌向沙磧飢
鼯嗥卧伏牙爪獵
隼飛拏矜羽翻茅簷客聚蒲幽缶
桑徑人行沒雙屐
高堂暖熱厭羅綺環堵蕭條尚絺
綌何當仰見白日
照坐看先從沙際釋漸涵溝畎兆
豐富洗濯閭閻消
瘴疫便乘東北生氣起自駕疲牛
理境堵

荅裴煜二首

三十一

類集二

三

五

拙者羞強合因成杜門居豈知公
相尊一室若有餘
愛子富文行顧爲已不如所以子
之黨頻見我僕車
歡誠激孤緒合若水縱魚新詩八
十言筆端產璠璣
屑屑委地蓬清風爲吹噓相期在
規誨庶以輔頑踈
寥寥今非古感激事真妄曾誰省
孤心祇以餌羣謗
參差勢已甚決起意猶強親朋爲
憂危議語數鐫蕩
久之等聾眊兀矣坐閭巷長嗟貧
累心更苦病摧壯
微誠豈天與今晨子來貺顧慙小
人愚未出衆夫上
狂言屈子合浩歌仍子唱相懽匪
貌濟所得實心尚
時節雖已晏梅柳幸欲放過從勿
厭倦相遲非鬱盎

寄王介甫

憶昨走京塵衡門始相識踈簾挂秋日客庖留共食
紛紛說古今洞不置藩域有司甄棟榦度量弃樗櫟
振轡行尚早分首學墻北初冬憩海昏夜坐探書策
始得讀君文大匠謝刀尺周孔日以遠遺經竄墻壁
倡佯百恠起冠裾稔回慝君材信魁崛議論恣排闥
如川流渾渾東海為委積如躋極高望萬物著春色
寥寥孟韓後斯文大難得嗟予見之晚反復不能釋
胡然蘊環堵不救謀者惑明朝渡江還念念非可抑
如醞一作醒冒炎暑每進意愈寂一作塞維時南風薰木

言十八

類彙卷一

四

友

葉晃繁碧頰雲走石瀨逆坂上文艤欣聞被擻來窮
閭駐鑣軹促榻叩其言咸池播純繹行身抗淵損及
物窺龍稷網繆指疵病攻砭甚鍼石淺止有滄沙亦
可洗珠璧論憂或共嘖遇愜每同赦正值祝融橫金
隅未提職高樓豁可望命載屢攀陟一不羅俗嬉怡
然治紈墨露泫一作注尚忘疲更待蟾蜍具雅愛張與
余挽之置茵席羣兒困不酬吽嘖聚譏摘仁義殊齟
齟昧者尊惡鳥砥一作距霧草變衰黃吟蟲鬧朝夕君
子畏簡書薄言返行役商歌孺子別失浹染衣棘自
從促擢去會此隆冬逼何神鼓陰鞞萬竅動謫激城

顛睨江浪蛟恠助掀射仁賢保無恙所想挂驚惕燦
燁多隸從良已匱藜齧迨茲尺書至疑念始冰折蘭
漪沓慈祥筠梧肆諧適續紛衆胥士署壘各嬉息其
餘書擯背粟密縷機織卷書勞來幹寸懷良自憚野
泊轉平綠梅梢弄繁白金縞引柳萸芳氣滿原澤出
門無所抵歸卧四楹寂術學頗思講人事多可惻含
意不得發百憤注微臆搖搖詠顏色企足關途隔自
慙兒女情宛轉抱悽感吾念非吾私何當托雲翼竒
偶轉如輪終期援焦溺

上人

金節橫光馬珂鬧瑞鶻宮袍腰玉繞煙沙轆轤高軒
過路上千人瞻羽纛瑤魁精彩浮蒼龍江城四面生
春風城中壞屋書籤碧有客苦唵連旦夕麻衣塵暗
抱書泣歲莫黃梁不供食白日曛曛望龍坂坐上一
言寒口暖西入天關灑霖雨須惜窮鱗在泥土

初夏有感

我從得病卧閭巷三見夏物爭滋榮紅英紫萼逐風
盡高榦密葉還陰成山亭水館處處好朱碧萬實相
駢擎林鳥梁燕各生子一作字翅羽已足爭飛騰雉雞
五色繡新翮鷺鷥慕疋相隨鳴亢蜂露蝶亦有類歛

往復聚何翾輕箔蚕滿室事方盛繭綴下上如連星
麥芒秧穎錯雜出高隴大澤填黃青物從草木及蟲
鳥無一不自盈其情嗟我獨病不如彼胃氣卧立常
怵怵筋酸骨楚頭目眩強食豈得肌膚盈我身今雖
落衆後我志素欲希軻卿十年萬事常坎壈奔走未
足供藜羹愁勤一作窮愁未老鬢先白多學只自爲身兵
自然感疾憊形體後日雖復應伶俜非同世俗顧顏
色所慕少壯成功名但令命在尚可勉屑細詎足傷
吾平

送人移知賀州

六

六

五

溪石膠船秋瀨微南山巉空一勢我魏風露氣嚴花草
腓天色濛濛初鴈飛君子仕一守東南圻旗旒綵錯如
翔翬象茜照地榮笏衣先後隸從何頎頎初君治縣
參德威吾人涵濡樂以肥今今奪去失所依出者遮
行居者希我思羣公坐天圜四心與星斗爭光輝薦賢
絀否言無違迅若發石乘其回機何此茂器時所稀噤
無一語爲發揮敢作此什俚何王畿旦莫璽書來勅歸

南豐道上寄介甫

應逮冒煩暑驅馳山水間泥此泉沃渴肺沙風吹汗顏
疲驂喘沫白殆僕負肩殷仰嗟旱雲高俯愛芳陂潺

空郵降塵榻淨館排霞關城隍壯形勢岡谷來回環
紅芰姹相照翠樹鬱可攀野苗雜青黃雨露施尚一作
何慳巫覡謁羣望簫鼓鳴空山憂農非吾職望歲竊
所歎憇當午日烈行瞻月初彎星斗弄光彩羅絡龜
火斑跋履雖云倦桑梓得暫還林僧授館告田客扳
鞍鐸吾心本皎皎彼詬徒嚶嚶方投定鑑照即使征
馬班相期木蘭楫蕩漾窮川澗

謝章伯益惠硯

人生對門東西陌口耳一間心誰傳况乃天地相去
遠一在南海一在燕古今萬世復萬世彼亦居下此
在前是非得失錯且繁以情相話何由緣造化豈不
大且淵到此縮縮智且慳聖人智出造化先始獨俯
仰摸坤乾一人詰曲意百千以文寫意意乃宣簡書
軸載道相聯馳夷走貊通百蠻羲皇向今谷屢遷言
語應接旦莫間聖人不死術以此又與其類殊蚊蠕
外之君臣內父子仁義禮樂定筆端硯與筆墨乃舟
舡論功次第誰能攀伯益於文敏且顓字向紙上生
戈鋌與硯出入宜不捐胡乃費我璧弃泉作詩知硯
功小大報不充賜心焦然

送劉醫博

小人久病如愁感每嘆地僻無良醫窮居索寞俗事
少坐對荏苒風光移深冬山城萬木落陰氣蕩射生
寒颼東方吐日光入戶素壁閃閃含清輝臨汀劉君
落落者六伎絕偉如天資潛心密與造化會布指夔
有精靈隨馬蹄所至病魔屈我於此時忻得之一來
握手與我話委曲衰王肺與脾囊中珍丸撮星斗俾
我嚼咀心顏怡灑然沉痾一日解始免未老爲枯骸
一作越人湔腸術已緩仲景納餅術可卑劉君與我
德至大拱壁巨鼎非酬裨我嗟劉君乃士類進退婉
婉無瑕疵况又新承太守薦羈鞅日背東門馳禁林
侍從務周慎君挾所有直相宜貴人四難真可患去
去足以爲時規

送陳商學士

柳黃半出年將破溪溜浸苔強萬箇溪頭蒲葦各萌
芽山梅最繁花已墮物色撩人思易狂况躋別館情
何那城東日晚公將去燾影未離愁四座公於萬事
不彫鑄心意恢恢無坎壈來從奎壁光芒下笑倚樽
筵成郡課嗟予齷齪才性下弃置合守丘樊餓公持
姓名動人主被飾寧嫌筆端挫從今清夜思江路夢
送公船先北過

送錢生

天下學校廢師生無所依子來滿橐書粲粲壁與璣
一字未得讀叩門忽言歸憐子甚有志事時與子違
吾無一畝宮留子爲發揮去矣善自立毋使嗣音稀

雪詠

雪花好潔白不待詠說知區區取相似今古同一辭
薛能比衆作小去筆墨畦誰能出千載爲雪立傳碑
四座且勿歌聽我白雪詩天地於降雪其功大艱難
去年煖風日冬在春已還山屏盡深碧危溜聲亦潺
草萌各已動梅花開最繁鑪火殆可謝衣絮誰復言

推排臆已過一變天更寒飄風動木石激射難出關
深房擁高燎領肘曾不溫仰視雲壓疊垂欲藉屋山
元氣不復呵飛鳥折羽翰誰排河漢流欲墮莽蒼間
道爲黑風遮凝凍無住着紛紛成片縷六出非刻削
初時漏餘滴雜雨猶可惡迤邐縱飛灑態狀不可名
或稀若有待或密似相縈或弱久宛轉或狂自軒騰
羣來信汗漫孤飄亦零丁屋角初漸斑瓦溝忽皆平
坳窪一已蒲茅茨壓將傾樹木遍封裹岡山助崢嶸
堦除斷纖穢池臺有餘清流塵寂已掩物象宵皆明
厨煙或中鏡里表仍孤擎長街隱缺甃荒城混觚稜

沙水渺相合扁舟在圖屏啄草鳥雀蹤篆字遺縱橫
頓驚宇宙內侈麗皆天成引望誰倚樓秀色亂目睛
永懷衡門士辛苦守六經山藜不充腹筆硯久已冰
柔茵坐中堂誰問公與卿世事泊無意燭換猶飛觥
文犀壓朱箔陽春謝纂箏所處殊處所苦樂固異情
誰致此不齊上天意何營蒼蒼不可問奕奕灑未停
明晨起相處寒日已滿窻井甃破圓素砌苔還故蒼
萬物去覆冒顏色皆復常融爲大田水其流日滂滂
方塘接深淵澄徹碧玉光豈惟疫癘消庶驗百穀祥
顧彼守經士幸可繼糗糧憂民旣非職空致新詩章

送僧曉容

飛光無停芳歲闌羣陽不行寒氣動踈篁有韻窻含
雪重幙無溫筆棲凍蕭條山草葉始枯綽約江梅蘂
先弄無人爲我取酒斟有客來前乞詩送多情爲客
不能已卷紙連書筆鋒縱七言百字拙且卑俗眼方
憎汝休重

送叔延判官

北風吹空雪花冷平鋪雲濤冒峯頂江長水闊飛鳥
絕沙樹參差動波影君子從戎碧油下綠髮青瞳笏
袍整大馬高車府中罷一船沿流背丁丙鱗魚勝銀

尊酒美物色當前若圖屏危帆健櫓醉中去千里奔
過猶一頃明年隨春到京國紅紫燒空折桃杏獻書
又謁蓬萊宮新斲豪曹試鋒穎况遇朝廷方急材驥
駉駉足當騁

山茶花

山茶花開春未歸春歸正值花盛時蒼然老樹昔誰
種照耀萬朶紅相圍蜂藏鳥伏不得見東風用力先
噓吹追思前者葉蓋地萬木慘慘攢空枝寒梅數縱
少顏色霰雪滿眼常相迷豈如此花開此日絳艷獨
出凌朝曦爲憐勁意似松栢欲奉更惜長依依山榴
淺薄豈足比五月霧雨空芳菲

丁亥三月十五日

茫茫月色如溪沙萬里不有纖雲遮今年寒氣逐一作
爭春來雪大如掌隨驚雷臨川城中三月雨城東大
丘汨爲渚天地慘慘無開時常恐熱死和與羲此時
謂月水中沒溺入蛙腸那復出豈知今夜月光圓照
徹萬物無遺偏人間有人司重輕安得知汝有時明

舍弟南源刈稻

買田南山下禾黍忽已秋糟床待此注豈止衣食謀
窮陰迫霜霰不可遲挈收吾黨二三子晨行已寒裘

久苦城市置至山諒優游况已除險穢新堂置巖幽
窻軒衆峯出階墀水淙流良材未成種草樹亦已稠
寒花開照耀谷鳥樂啾啾心與珍境接佳興固已適
而况饋朝夕甘美日可搜黃雞肥落俎清醑湛盈甌
時鮮鱸冰鯽餘滋析丹榴此味何以侑文辭頗賡酬
晝務誠遺滯夜工督春牃因觀稼穡勞始覺奉養優
此樂詎非幸人生復何求送子因自起徃意不可留

和滁州九詠九首并序

先生貶守滁滁小州先生爲之殆無事環州多佳
山水最有名瑯琊山近得之曰幽谷先生數游於

其間又賦詩以樂之輩得而賡之者凡九章

瑯琊泉石篆

陽冰絕藝天下稱瑯琊石篆新有名初留泉涯俗誰
顧一日貴重繇先生古今書法不可數猶有字本存
於經我於八體未曾學雖得此字寧能評高文老筆
又所愛欲叙髣髴辭非精筆端應驅鬼神聚筆妙夔
與陰陽爭刻雕萬象出冥昧不見刀斧曾經營竒形
挺若聳崖巘險勢直恐生風霆兩來莽蒼龍蛟起秋
入寥沈星斗明先生七言載其側爲地自與丘山平
先生抱材置荒郡有若此字存巖扃當還先生坐廊

廟悉引萬事歸繩衡遂收此字入祕府不使日灼莓
苔縈高材重寶不失一唐舜湯禹寧非朋

遊瑯琊山

飛光洗積雪南山露崔嵬長淮水未綠深塢花已開
遠聞山中泉隱若冰谷摧初誰愛蒼翠排空結樓臺
轆轤架梁棟輝輝刻瓊瑰先生鸞鳳姿未免燕雀猜
飛鳴失其所徘徊此山隈萬事於人身九州一浮埃
所要挾道德不愧立與回先生逐二子誰能計垠崖
所懷雖未寫所適在歡咍爲語幙下士殷勤羞甕醅

一作勤羞甕中醅

二十六

卷之二

十三

支

歸雲洞

洞遠人言接滄海洞幽晴始見莓苔天下顛顛望霖
雨豈知雲入此中來

瑯琊溪

野草山花夾亂流橋邊旌旆影悠悠即應要地無人
見可忍開時不出遊

班春亭

山亭嘗自絕浮埃山路輝光五馬來春滿人間不知
主誰言鑪冶此中開

庶子泉

瑯琊石泉清照人裏無泥沙表無塵風翻日炙夏潦
盡古練一疋常齋淪

石屏路

石屏不見刀斧痕石下初誰得行徑千騎來時停管
絃月明更覺山中靜

慧覺方丈

七言老意蒼松蟠百金古字青霞鑿儒林孟子先生
是墨者夷之後代傳

幽谷晚飲

先生卓難攀材真帝王佐皎皎衆所病蜿蜿龍方卧

百八

類集二

十四

友

卷彼天下惠赴此一郡課幙府既多暇山水乃屢過
旌旗拂蒙密車馬經坎坷愛此谷中泉聲響遠已播
槎橫勢逾急兩點綠新破旁生竹相圍竦竦碧千箇
遙源窅難窺盤石坦如磋遊鱗戢可數飛鳥嚶相和
援琴薰風後結宇寒巖左觥筵已得月金紈尚圍坐
心如合逍遙語不綴招些一時聳傳觀千載激柔懦
甘棠詩之懷峴首淚嘗墮况此盛德下襦袴人所荷
不假碑刻垂棟牖敢隳挫當今甲兵後天地合一作合
輒軻先生席上珍豈忍溝中餓母徐黑轡召當馳四
方賀

元豐類藁卷第二

元豐類稿卷第三

古詩

遊麻姑山九首

軍南古原行數里忽見峻嶺橫千尋誰開一徑破蒼
翠對植松栢何森森危根自迸古崖出老色不畏莓
苔侵脩竹整整儼朝士下蔭石齒明如金遂登半嶺
望城郭但見積靄縈江潯岡陵稍轉露樓閣沙莽忽
盡橫園林秋光已逼花草歇寒氣況乘巖谷深我馳
輕輿豈知倦倏忽遂覺窮嶽峯龍門誰來此中鑿玉
簡不記何年沉泉聲可聽真衆籟泉意欲寫無瑤琴

斗廻地勢平如削穉經百頃黃差參橫開三門兩出
路却立兩殿當崖陰深廊千步抵巖腹桀木萬本摩
天心碑文磊嵬氣不俗壁畫縹緲工非今世傳仙人
家此地天風泠泠吹我襟令人豈解不老術可恠綠
髮常盈簪根源分明我能說一室傾里輸琅琳相高
既不擁耒耜方壯又不持戈鐔我丁軾軻豈暇議直
喜虛曠開煩襟清謠出口若先構白酒到手無停斟
山人執袂與我語留我饋我山中禽玲瓏當窻急雨
灑窈窕隔溪孤笛吟未昏已移就明燭病骨夜宿添
重衾神醒氣王目無睡到曉獨愛流泉音起來身去



接塵事片心未省忘登臨

桃花源

來時秋不見桃花空樹寒
泉瀉石涯爭得時人見鸞
鳳不教身去憶煙霞

丹霞洞

麻姑石壇起雲霧常意已極
高峰巔豈知造化有神
輒別聳翠嶺參青天長松桀
栢枝崑砢中畫一道如
流泉林風颭颭滿丘壑
山鳥嘲哢凌飛煙山腰古
亭豁可望下見秋色清無
邊忽驚陰崖勢回合中抱
幽谷何平園初誰鑿險構
樓觀更使遠舍開芝田令
人到此毛骨醒欲構老筆
丹青傳羗夷干戈合未解
天地瘡痍誰能痊大厦棟
梁置沙莽肯復顧盼楠與
椽吾徒於時直何用欲住
未得心茫然

半山亭

樹杪蒼崖路屈盤半崖亭榭
午猶寒平時舉眼看山
處到此憑闌直下看

顏碑

碑文老勢信可愛碑意小
缺誰能鐫已推心膽破
竅究安用筆墨傳神僊

碧蓮池

神僊恍惚不可明空有蓮池變紅碧清香冷落秋風
前似被麻姑妬顏色

流杯池

行盡壇前石崖路忽見一曲清冷泉酒行到我不辭
醉安用了了分愚賢

七星杉

古杉蒼蒼橫斗文其幹十圍陰蔽野應到夜深山月
來林色天光迷上下

瀑布泉

飛泉一支天上來寒影沉沉瀉龍穴山神欲以恠動

三十一

類集二

三

人山路先冬積霜雪

秋懷

天地四時誰主張縱使羣陰入風日日光在天已蒼
涼風氣吹人更慘慄樹木慘慘顏色衰燕雀啾啾羣
侶失我有愁輪行我腸顛倒回環不能律我本孜孜
學詩書詩書與今豈同術智慮過人祇自讎聞見於
時未裨一片心皎皎事乖背衆醉冥冥勢陵突出門
榛棘不可行終歲蒿藜尚誰卹遠夢頻迷憶故人客
被初寒卧沉疾將相公侯雖不為消長窮通豈須詰
聖賢穰穰力可攀安能俯心為苟屈

送歐陽貞外歸覲滁州舍人

病卧不出門非關避塵土深秋景雖清孤懷共誰語
辱子問吾廬輝如就賓廡足音固可喜况久捉松塵
子生何其祥家庭坐軻愈顧我齒諸生漸磨苦頑魯
有如仰天潢勢豈識津渚又若馬牛然安能望熊虎
空搖在門心常若風中羽羨子筋骨輕歸飛得其所
從今夢無南隨子渡江艣

一晝千萬思

一晝千萬思一夜千萬愁晝思復夜愁晝夜千萬秋
故人遠爲縣海邊句踐州故人道何如不問孔與周

我如道邊塵安能望嵩丘又若澗與溪敢比滄海流
景山與學海汲汲強自謀愁思雖爾勤故人得知否
送鄭秀才

鄭生雙瞳光欲溢我意海月藏其中齒清髮紺心獨
老秋崖直聳千年松來趨學宮業文字進退佩玉何
玲瓏一朝束書別我去馬蹄脫若風中蓬當今文人
密如櫛子勿浪漫西與東處身不可不擇處一跌萬
里無還蹤

荅所勸灸

灸灼君所勸感君書上辭勿難火艾痛要使功名垂

我道世所背君知餘有誰筋骸儻且健學行肯教墮

菊花

菊花秋開只一種意遠不隨桃與梅遊人有幾看一作

愛孤淡零落野水空巖隈層層露萼間枝葉金罍萬

箇圍蒼苔直從陶令酷愛尚始有我見心眼開為憐

清香與正色欲塞更惜常徘徊當携玉軫就花醉一

飲不辭三百杯

荅石秀才月下

今宵月色明千里秋水與天無表裏樹木矯矯蛟龍

蟠屋瓦鱗鱗雪霜洗林下病人毛骨醒目愛清光不

三十四

類集卷二

五

知已秋風自作竿籟聲更送城笳夜深起客衾初寒

睡未能忽得子詩哦以喜子求我和何勤劬我知枯

踈少知已子真愛我常存心安用蕪辭煩筆紙

冬曉書懷

羣雞啁哳天始明東方吐日霜尚冰長簾高褰掃落

葉短机背立一作倚吹殘燈昔時氣銳過奔浪今日病

減真無蠅南箕翻翻世所効白壁皎皎誰非憎屠尾

破產習已妄畫蛇着足棄未能不容當時孔何病更

譽衆列顏非朋坐知天下書最樂心縱塵土酒可憑

莫過二事賢且聖胡不學外常騰騰

代書寄趙宏

憶承昨歲致書召遂入江城同一笑羸奴小馬君所
借出犯朝寒鞅頻掉從來萬事固已拙况乃病敷顏
不少去隨衆後已自狂更苦世情非可料一心耿耿
浪誠直百口幡幡競訶誚獨君踴躍於我顧譬於真
玉火空燒別來未幾歲云換楊柳得春還窈窕東溪
最好水已淥桃李萬株紅白照當時病卧不能出日
倚東風想同調逡巡紅白委地休新葉可書陰可釣
君持使傳入南師忽領貔貅過蓬藿僧堂取酒就君
飲不覺乘歡盞頻醕屋西明月過簾白簾角有時飛

熠耀明聞鉦鼓催軍發兵上高樓看旗旄日高行忽
又別君從此閉門誰可嘯秋風已盡始得書喜聽車
輪返窮徼身欲追隨病未能日斷珊瑚遮海嶠是時
肺氣壯更惡日以沉真憂不療豈其艱苦天所憫晚
節幸值巫彭妙放心已保性命在握手猶驚骨骸峭
今年霜霰雖未重室冷尚無薪可燎一畝酸寒豈易
言局促不殊魚在罩勞君書札數問訊深媿薄材無
象肖君心卓犖衆未識安得辯口聞廊廟

東津歸催吳秀才寄酒

荒城懶出門常掩春氣欲歸寒不斂東隣咫尺猶不

到况乃傍溪潭石險風光得暖才幾日不覺溪山碧
公染忻然與客到溪岸衣幘不避塵泥點谷花洲草
各萌芽高下迸生如刻刻梅花開早今已滿若洗新
粧竟妖臉柳條前日尚憔悴時節與催還荏苒沙禽
翅羽亦已好爭趁午暄浮翠激從今物物已可愛有
酒便醉情何慊君厨山杏舊所識速致百壺湏灑灑
心知萬事難刻畫惟有醉眠知不忝預愁酪酏苦太
熱已令灑屋鋪風簟

送吳秀才

一年過臘已十日餘日到春能有幾春來遠近不可

問冷碧先歸在流水梅花向今獨已繁玉艷都占春
風間草萌出土亦過寸衆芳次第掛清寒虛堂盡日
對風影我獨此守青琅玕故人遠來未一醉車鞅欲
去令誰攀憐君滿腹富文采倦尾赤色無波瀾連年
禮部試多士白羽捨置操榛管君今忽忽負壯節我
亦春色羞衰顏况逢離別可奈何憶人日老情日多
和章友直城東春日

東流

二作溪

作

抱孤城兩洗見春色風吹百草根道路千

里碧莫盡溪漫漫去波瀾散無跡遙林缺見山冉冉
蒼藹積沙禽有遺蹤文字不可識青松對桃李桃紅

李花白紅白勢方競青青守巖側君意無不諧研談
欲俱得賦詩多所陳炳若觀龜坼城東不待到衆物
已歷歷

簡如晦伯益

一年孟春月已晦思去去鵬如須臾春事競在二月
間急景豈與正月殊今看桃李花未一作爭出不知花
開能幾日日尋桃李不暫停恐未十回花已失筋骸
縱病心尚壯酒醴雖無隣可乞城東欲與君試行莫
嫌冷落逐書生

高松

高松高干雲衆木安可到湯湯鳴寒溪偃偃倚翠纍
側聽心神醒仰視日睛眊風雨天地動一葉不欹倒
豈同澗中萍上下逐流潦豈同墻根槐卷卷秋可掃
鳳凰引衆禽此木陰可燾君求百常柱星日此可造
般匠世有無方鍾野人好

青青間青青

青青間青青盡望密如罅風柔聲自和草縹陰可藉
遊蜂不暫去啼鳥時獨下繚墻隔深園高枝出虛榭
貴人無餘事歡言持玉笋茅簷亦自好吾廬四如畫
故人儻可遲倒屣不辭迓

洪州

洪州城中荒且遠每到弱馬常驅馳交朋顧我亦已
厚謝詞有禮寧當違人生有累乃汲汲萬事敦迫如
銜羈山中無塵水清白安得去吟梁甫辭

詠史二首

仲尼一旅人吳楚據南面不知千載下究竟誰貴賤
賜也相國尊子思終不慕乃知古今士輕重復內顧

汴河

客舟汴河西北行日夜似與河流爭不知洶洶竟何
爲怒意彼此何時平但疑天地送秋至惡雨疾風相

三北二

類集三

九

觸聲我病入寒饒睡思歸夢正美還遭驚東南水鄉
我所住楊花散時春水生湖江渺邈不見岸汨汨自
流無可憎石泉百丈落山嘴此縱有聲清可聽莫如
此水極凶驚土木暫觸還轟轟吁嗟造化何厚薄惡
物受稟無由更

尹師魯

一上有
哭字

衆人生死如塵泥一賢廢死千載悲漢初董生不大
用厥政自此慙隆姬至今董生沒雖久語者爲漢常
嗟歎尹公素志任天下衆亦共望齊臯伊文章氣節
蓋當世尚在功德如毛釐安知蔓草蔽原野雪霰先

折青松枝百身可贖世豈惜訃告四至人猶疑悲公
尚至千載後况復悲者同其時非公生平舊相識跼
向北極陳斯詩

發松門寄介甫

南風夜發吹孤舟起視北極星辰稠曉開征帆破長
浪挾以兩艣當中流松門東面見廬阜其上少日煙
氣浮舟人指我極四望黑處無底蛟龍湫楮溪左蠡
信浩蕩兩涘一作溪若粒分岡丘落星困困孰可狀清
漢夜獨垂牽牛故人曾期此同載捨權直抵雲山游
念今五載負斯語心獨動蕩風中旂况聞肥遯須山
在早時事力胡能謀所嗟親老食未足安得一畝操
鋤耰此言此笑吾此取非子世孰吾相投今諧與子
脫然去亦有文字歌唐周

北風

北風動地江翻天我坐極浦維空船浮雲冥冥下無
日老樹自擺相樛纏薰琴空聞不可見應已久絕朱
絲絃遂令陰飈自回斡安得歲物無疵愆江頭酒賤
且就醉勿復著口問陶甄

過彭澤

淵明昔抱道爲貧仕茲邑幡然復謝去肯一作不受一

官繫予觀長者憂慷慨在遺集豈同孤蒙人剪剪慕
原隰遭時乃肥遯茲理固可執一此可執獨有田廬歸
嗟哉未能及

江上懷介甫

江上信清華月風亦瀟灑故人在千里樽酒難獨把
由來懶拙甚豈免交游寡朱絃任塵埃誰是知音者

讀五代史

唐衰匪一日遠自開元中尚傳十四帝一作葉始告曆

數窮由來根本強暴戾豈易攻嗟哉梁周間卒莫相
始終興無累世德滅若燭向風當時積薪上曾寧廢

歌鍾

庭木

庭中有佳樹清影四面垂往往風雨夜蛟龍此投依
留之待鸞鳳未許燕雀窺誰謂烏白馬惡安巢最高枝
不顧白日照直傍陰虹飛自恃棲以化穩豈憂彈射危
三春獨翱翔百鳥斂羽儀鳳凰不與爭况乃鳧鴈微
既務志意得都為世可欺白晝攫肉辦肉從容擇牲犧
近人不肯避一怒終夜啼遭其瞰墻屋禍患豈可移
聽之欲占赦婦女固已癡忿害乃具所何肯報福釐
行路指之嘆童稚爭罵譏鸚鵡獻土尊言語固可奇

翡翠輸太府器服所取資雉雞美十八章誓贈理亦宜
鷹鷂逐惡鳥天威得施爲關雎於田四室耿絜配后妃
莫如此烏頑飽食無所裨一善不能凡有醜聲日交馳
但知擇嘉處巍然治其栖衆怒未且勿忽微幸亦有斯
安知無刀斧崩分弃毛皮且勿引毒螫虫使樹心本披
亦有愛搏擊鉤連梟與鷗亦勿樂恬已窟穴藏狐狸
凡能致大患甚不自毫釐未知引避去此語足自規
惜哉種樹意長與事乖違古來亦如此壯士徒嗟悲

發彭澤

卧聞曠聲和雨來起見江流與天合山回風吹霧不
盡帆健船衝浪相杳歸雲難乘望空斷落日乍掩涼
可納去家今夜一千里誰見愁來坐上方榻

菊花

東籬菊花今已開萬物各自相驅推却尋挑杏那復
有舊樹慘慘空墻隈年光日日已非昔人世可能無
盛衰朱顏白髮相去幾勢利聲名相抑排三公未能
逃餓死九鼎竟亦爲塵埃乃知萬事皆自狂有便只
宜持酒盃

落葉

秋雨與風相噴薄樹木可能無葉落琅玕散漫不可

收野步滿船誰掃掠垂楊千樹舊所惜顏色易衰由
力弱空條尚舞不自休物意豈能知索寞菊花雖開
能幾許新酒縱酸猶可酌朱顏久已拚銷滅豈有功
名堪寫貌衣冠塵土欲更洗其奈滿隄河水濁花開
葉落須強醉壯士豈憂常落魄

舞鶴

蓬瀛歸未得偃翼清溪陰忽聞瑤琴奏遂舞玉山岑
舞罷復嘹唳誰知天外心

元豐類藁卷第三



